

DE
CHRISTI DOMINI
CRUCIATIBVS
ORATIO

A D S. D. N.

INNOCENTIVM X.
PONT. OPT. MAX.

A CAROLO BOVIO SOC. IESV.

Ipso Parasceues die habita.

In Sacello Pontificum Vaticano.




R O M Æ;

Typis HH. Francisci Corbelletti. MDCLIII

Imprimatur,


Si videbitur Reuerendiss. P. M. Sac. Pal. Apost.

A. Riualdus Vicefg.




Imprimatur,

*Fr. Vincentius Pannus Mag. & Sac. Reuer. P. P. Vincensij Candidi
Sac. Pal. Apost. Mag. Ord. Præd.*




EMINENTISS. ET REVERENDISS.
P R I N C I P I
I O A N N I
S. R. E. CARD.
D E L V G O.

CAROLVS BOVIVS FELIC.




ENDACIVM huic
paginae vt auferrem,
Tuum *Eminentissime*
Princeps, illi nomē in-
scripsi; præter quod
nihil habet illustra-
tum, & auctum, vt appellari possit
Oratio, quæ de amplissimis Christi
cruciatibus ieiunè sic loquitur, vt
nec dici possit Historia. Multò cer-
tè, hoc est supra dimidium plus Dei

4
Filius accepit olim à liſtoribus ver-
berum, quàm ego dederim verborũ
leſtoribus, auditoribus litterarum.
Sed Verbum, quod diuinus Pater
loquitur æternum, & infinitum ad
intra, idemque in hominis anguſto
corpore arſtauit ad extra, ſua de cæ-
de ad iuſtè commiferandum pauca,
loquentium in ore foris, plũrìma do-
lentium poſtulat verba intus in cor-
de. Hæc etiam cordis eloquentia,
multò magis, quàm linguæ mihi cũ
deſit, Tuam erga me beneuolentiam
ſemper expertus, ad Te bonæ plenus
fiduciæ cõfugio, vt pro me ſuppleas
ipſe largè de tuo. Habes enim vnde
aliorum ditare in hoc poſſis inopiã,
qui piſſimam in homines diuini Fi-
lij Sapientiam, pietate tua ſapientif-
ſima aliorum auribus exprimere ità
ſcis aptè, loquendo, vt altiùs etiam,
omnium animis imprimere poſſis,
agendo;



ORATIO.



CONSUMMATUM est, B. P.
Quicquid malorum & agere homo potuit, & Deus pati. Damnatuſ ab homine, & actus in Crucē Deus est. Horruiſt natura portentum, in quod poſtquam hominem Deus induerat, feram induere debuit homo. His verò in tam contraria diſcedentibus, cœterarū forma rerum, vel non potuit conſtare ſibi, vel noluit: Factis proinde ſciſſuris durities lapidum ſe ſe ultro in ſenſum teneritatis emolliit: abnuſ in æternum ſtare tellus, & tremuit: reſtitutis mortuis excuſſi ſunt vectes ineluſtabiles inferorum: Sacrorum arcana ipſa ſe ſe ſciſſo Templi ſipario profanarunt: verſaque in noctem die Parens lucis atratus occidit ante occaſum: Dicam veriùs; Summus ille ſiderum Pontifex, extincta face, anathemate perculit, damnauitque tenebris orbem, qui tam euident, tetrumque facinus, cum committeret, non videbat.

O Iuda, tantum in cœna neſas liuoris dente, cum manderes, nullam ne duris conſcientiæ viſceribus metuebas helluo cruditatem? Infelix!

& tibi pondus, & arbori, facinus te, quod con-
 coquere non potuisti, dirupit. At è cœna di-
 scessisti ad Pontifices, & Sacerdotes; quis non
 diceret expiandus? Et tamen impiatus in cumu-
 lum ibi es: ut sacrilegiorum maximum cum sa-
 crorum Antistitibus patraretur. Prodi iam ex
 Vrbe in Suburbanum proditor: meridiare mera
 ista nocte non tam Cœli, quam sceleris, cruenta
 bellua, belluare. Ad potum te sudati sanguinis
 tuâ compunctus proditione Iesus expectat. Quid
 osculo cælare conniteris, quod facibus publicas,
 & laternis? Tu verò Petre dormis adhuc? & te
 laternarius hic lucifer à somno nō excitat? Dor-
 mis cœrre, vigilet licet tua in ultionem manus,
 & gladius: quem ferias, tui caligo somni nescit
 eligere. Conuerso in Malchum, Iudam fla-
 grantem iam scelere prætoris, quem si prodito-
 rem odoratus esses, discerpssisses in cœna? Sed
 osculo Iesu dato, fugæ se transfuga dedit: subla-
 tusque vltori tam nobili nebulo est, ut parem
 sibi carnificem Iudas inueniret Iudam.

Atque hic simul victus Præceptor est, si-
 mul soluta societas discipulorum. Omnes relic-
 to eo fugerunt. Quantâ stat rerum discordiâ Dei
 captiuitas tam absurda! suos hostes vnica potest
 Iesus voce prosternere; suos amicos tanto mi-
 raculo confirmare non potest. Sed illi consci-
 tiâ sceleris audaciâ iam percussâ, armati, fontesq.
 coram Innocentia stare non potuerunt inermis;
 hi timoris gelu caritate iam frigida, inualidi, fra-

Etique pericula, & mortem fortium iter ingredi non potuere cum Iesu. Raptata interim in Aulam Patris Sapia ante pecudem sistitur infulata: quæ ut scire se aliquid persuadeat, de doctrina primò Iesum interrogat. Captiuis manibus libera interrogatus voce respondit; solitumque plus hominibus credere, quàm Deo, de doctrina, quæ ex Deo erat, quærentem, humani forma iudicij ad hominès remisit, & testes. Oris libertatem licentiâ manus Satelles adulator increpuit, Et (quandoquidem idem solet in Aula esse non blandè loqui, & malè) ferrea manu, fera magis vi dedit alapam Iesu; qua sic deformis, ut nec filius hominis videretur; interrogatur iterum, an sit Filius Dei. Hoc adornatur apparatu calumnia, ut confessum se Dei Filium, filium mortis omnis cum sacrilego Pontifice execranda turba conclamet.

Scinde iam tuas, Caypha, vestes: nescis quid ipse nunc facias, qui & paulò ante quid diceret nesciebas. Expedit ut vnus homo moriatur pro populo, ne tota gens pereat: fuit illud vaticinium oris tui: Nunc vestimenta cum scindis, vaticinaris & manu Pontificatum à te, vaticinans abijcis, iam nunc in Petrum dicerem transferendum, nisi afflatus mali propinquitate Principis, illum à se cognosci nec hominem tuum frigidus peieraret ad ignem, quem ad maris aquas Tyberiadis caritate ardens confessus erat & Filium Dei.

Sed respexit Dominus Petrum, ut egressus foras fleret amarè, intelligeretq. à sequentibus letum ex iniquorum Aula Principum materiam, semper lacrymarum efferri, in qua peccata committi quidem solent, sed fieri non solent. Cayphas verò, ne respiceretur, & resipisceret, Iesum à se dimisit ad Præsidentem: ut apud profanum Iudicem sanctum esset, quod ipse profanum fecerat vulgi clamore iudicium. Abortum hic fecit improbitas: cum ficta in reum parturiret crimina, verum liuorem peperit accusantium. Et Pilatus hominem ut vidit traditum propter inuidiam, eum suspicatus est esse felicem. Accusationis proinde capita, doctrinà, popularis fauor, Regis nomen, & Dei, cum damnationem peterent, absolutioni dedere suffragium. Verùm cum omni via ruatur ad scelera, à dicendo, agendoque iustè nulla non queruntur effugia: Ergo cum obiectorum mendacia criminum perstitisset diù Pilatus, ut audiret ex populo, abscessit protinus, ut ex Iesu nomen veritatis audiret: veritus credo, ne qui tota vita nihil aliud, quàm mentiri didicerat, ad prima reiectus veritatis elementa repuerascere doceretur à reo.

Interim Galilæum ratus Iesum reijcit ad Herodem. Dei filius in altera nuper Aula percussus alapa, quia loquutus, in hac, veste illusus est alba, quia tacuit: damnatumq. fatuitatis silentium in illo est, ex quo facunda prodigia stolidi Regis infana curiositas expectabat: Ipso iam habitus do-

cente candore, Apud malos Principes eiusdem esse fortis, & notæ, innocentiam, & fatuitatē.

Sed iam Pilate quid ages? remittitur ad te iterum innocens reus. Nullam, ais, in eo causam mortis inuenio. Scrutare: erit in te, quod in illo condemnes: aud. s? Cæsarem tibi furor populū minitatur. Satis hoc est, ut crimen fiat Innocentis, Iudicis metus. Damnare conscientia non potest; absolvere non vult timor: hoc in anticipi cum in inuidiæ cuneos non audeas, Pilate, fortis irrumperē, effugia non profutura quæris ignauus. Optionem das populo, utrum dimitti sibi velit, Barabbam, an Iesum. Miserum me! non sat erat Innocentiā solitariam iudicio quocumque damnari, nisi ad cædem præoptaretur cum scelere comparata? Quis te nunc peccata nostra portasse neget, ò Iesu, qui cum Barabba in altera lance compositus, latroni nequissimo seditionis, & homicidij reo, ut occisor ille viueret, tu vita rerum occideres, Pontificum, Sacerdotū, populū iudicio præponderasti? Et tantum Crucis pondus inanis hieroglyphico arundinis ludionum insania repræsentabas? patibuli clavis spinarum mucronibus proludebas? lacera purpura paludamentum sanguinis adumbrabas? Et posuit ita conspui decor, velari fulgor, lacerari flagris integritas, arundine omnipotentia contemni, conuicijs maiestas illudi, colaphis sanctitas profanari?

Ita ne contra Deum potest humani

decerni? Egressus Pilatus foras, ne Iustum dam-
 ner, Coniugis metu percussus, & suo, tumul-
 tuantis tamen populi fieri petitionem adiudicat.
 Afferte huc, inquit, manibus aquam, ut lauem:
 Innocens ego sum à sanguine iusti huius: vos
 videritis: flagellate hunc tamen lictores, & cru-
 cifigite. O' Romanum Scytham! Unico spiritu
 potuisti, & Innocentem dicere, & addicere cruci-
 figendum? Securus nimirum à Cæsare nunc es:
 Et te ipsum, Pilate, non times? Respira tamen, si
 potes, à scelere: Ut tua te aqua, in speciem videri
 possit abluere, Iusti huius sanguinem, quo delēda
 nunquā se labe commaculet, supra se, filiosq. suos
 inquinatissimus populus iniquitatis expostulat:

Tradidit hic Pilatus Iesum voluntati eorum.
 Tàm citò mutata sententia est? flagellis damna-
 tus, & Cruce traditur voluntati eorum? Crude-
 lius, quàm decreuisti, Præses, exequeris: flagel-
 lis, & Cruce immanior multò voluntas eorum
 est. Erravi tamen, o Iesu: immò illos Præses tuę
 tradidit voluntati. Oblatus enim es, quia volui-
 sti: talisq. oblatus es Cruci, ut verè homo simul
 appareres, & Deus, quando ijs superesse cruciati-
 bus potuisti, quibus ità deformis eras, ut nec
 Deus viderere, nec homo.

Vos verò sapite, si potestis, aliquid in insanis-
 simo isto furore carnifices: neq. maximum cru-
 delitatis fructū sœuendo nimis amittite. Cuius
 paribulati sanguine saturamini spectator populus

rò: hunc flagellis cæsum, hunc cruci suffixum, & hominem, & Iesum Nazarenum esse; voci tantum, chirographoque Pilati credendum est?

Egredere iam pacis urbem, exercituum Deus postquam fulminibus positis tuas beneficijs elaborandis manus aptasti, his plagatus es in eorum, qui te diligebant, domo vulneribus: ausi-que sunt beneficium ingrati contemnere, quem facta tenebris potestate sua perduelles hora videbant inermem. At vos, timete mœnia, timete domus, penetralia Hierosolymæ sacrosancta timete, Ecce iam tantum scelus, quod urbs una non capit, cum exeunte Iesu foras egreditur, viribus suis omnibus transiturum ad hostes: vestrūq; in excidium hæc olim Romano militi arietem dabit Iudæorum barbaria.

O cuius è digitis totus pendet orbis, & regitur, sub baiulati pondere probroso patibuli defectis viribus incuruatum! Ne vim à militibus Cyrenæ, cogendus expecta; Ades felicior Hercules maiori multò, sed labanti, labentique suppetiator Atlanti, cuius humeris, & ceruice non distinctum sideribus Cælum, pulchrum onus innititur; sed immani mole tota cum spinis, & Cruce incubuere Tartara tormentorum,

Filiæ Hierusalem nolite flere: moriente Deo iniusta sunt lacrymæ; leue quippe malum est, fieri quod potest. Ad hoc Deicidium tam immane, tam impium iustè qui dolet, cum Virgine Marce fræter, & stupor

Patibulato denique inter facinorosos Deo ; cum dehiscere tellus ad deuorandos impios debuisset, nouissimo n. orientis furto latronis Cælum patuit in rapinam. . Quamquam ipsa etiam tellus, sed pectoris Christi virgo tellus hiauit; & militis patefacta lanceâ ad ipsum vsque patuit cordis centrum, in quod cum caritatis pondere sola, & solida deferuntur gaudia beatorum.

Reuertentes, & percutientes pectora sua facta super vniuersam terram tenebræ illuminarunt, vt dicerent, Verè filius Dei erat iste; creditusq. tunc immortalis est, cum visus est mortuus; potuisse, vt viueret, de Cruce descendere, qui descendere noluit, vt moreretur in Cruce; eiusq. potestatis esse ad beatè viuendum Cælum aperire, qui crudeli extinctus morte claudi potuit in sepulcro. Et nos, quibus occidens è Cruce, tanquam ex ortu Sol fidei diuinus illuxit, damnatum hunc, & actum in Crucem ab homine, & hominem esse confiteamur, & Deum.

Tu verò, B. P. eius exemplo æternùm in Cælo regnantis, cuius Vicarius diù regnas, & regnes in terris, quando moriēs Deus veniam pro hostibus, omnibusq. rogauit, Tu, inquam, cuius in manus omnia hîc in terris dedit, & Pater, & Filius, ex patefacto illo Christi cordis arario, in nos nostra scelera, & propter scelera nostra extinctum Dei filium confitentes, larga manu cælestium thesauros indulgentiarum effunde. Hoc enim

